

AKHBAR : BERITA HARIAN

MUKA SURAT : 4

RUANGAN : NASIONAL



WKB 2030 adalah kelangsungan wawasan negara sedia ada, selain mengambil kira realiti pelbagai jurang, sama ada kekayaan atau pendapatan dalam 3 serampang utama.

*Datuk Seri Dr Zulkefly Ahmad,
Menteri Kesihatan*

AKHBAR : BERITA HARIAN

MUKA SURAT : 67

RUANGAN : NASIONAL

Penutupan 9 ILKKM tak jejas pelatih

Kuala Selangor: Kementerian Kesihatan menafikan penutupan sembilan Institut Latihan Kementerian Kesihatan Malaysia (ILKKM) menjaskan pelatihnya.

Menteri Kesihatan, Datuk Seri Dr Dzulkefly Ahmad, berkata pihak yang membuat dakwaan itu tidak mendapat maklumat sebenar mengenai perkara terbabit.

"Apa yang kita lakukan adalah sebagai langkah rasionalisasi dan penyatuhan dalam usaha penjimatkan dan menguruskan ia dengan lebih baik dan manapun."

"Sekurang-kurangnya kita akan dapat penjimatkan sebanyak RM200 juta. Ia tidak mengurangkan pelatih tetapi penyatuhan," katanya pada Program Santuni Rakyat, Kenali Ubat Anda sempena Sambutan Hari Farmasi Sedunia Peringkat Kebangsaan 2019 di Dewan Dato' Penggawa Permatang, semalam.

Beliau berkata demikian sebab mengulas bantahan Kongres Kesatuan Pekerja-Pekerja Dalam Perkhidmatan Awam (CUEPACS) usulan langkah KKM menutup sembilan ILKKM Julai lalu.

Yang turut hadir, Ketua Penaruh Kesihatan, Datuk Dr Noor Hisham Abdullah; Pengarah Kanan Perkhidmatan Farmasi me-



Dr Dzulkefly (dua dari kanan) bersama Dr Khalid (kanan) melihat model Hospital Medan pada program Santuni Rakyat, Kenali Ubat Anda di Kuala Selangor, semalam.

(Foto Sairien Nafis/BH)

rangkap Penasihat Jawatankuasa Induk Program Sambutan Hari Farmasi Sedunia Peringkat Kebangsaan 2019, Dr Ramli Zainal dan Pengarah Kesihatan Negeri Selangor, Datuk Dr Khalid Ibrahim.

Mengulas mengenai Program Santuni Rakyat, Kenali Ubat Anda, Dr Dzulkefly berkata, kementeriannya komited memberikan penerangan, pendidikan dan pen-

cerahan secara berterusan kepada rakyat agar memahami kepentingan ubat.

"Ada lima '5 Right' iaitu 'Right Patient, Right Medicine, Right Dose, Right Time, Right Way' semua itu sangat penting untuk agar rakyat memahaminya.

"Ahli farmasi adalah kumpulan paling layak memberikan penerangan dalam kumpulan penyedia penjagaan kesihatan," katanya.

Sementara itu, pada program yang sama, Dr Noor Hisham mengingatkan orang ramai supaya berhati-hati sebelum membeli produk kesihatan dalam talian.

Beliau berkata, ketika ini, penjualan produk kesihatan dan ubat tidak berdaftar secara dalam talian semakin membimbangkan berikut ia memudahkan pengguna mendapatkannya.

AKHBAR : BERITA HARIAN

MUKA SURAT : 68

RUANGAN : NASIONAL

Kementerian sokong haram promosi, jual vape dalam talian

Ipoh: Kementerian Kesihatan mengalu-alukan sebarang usaha atau tindakan mengharamkan promosi dan penjualan vape atau rokok elektronik dalam talian.

Timbalan Menteri Kesihatan, Dr Lee Boon Chye, berkata pihaknya memandang serius masalah penagihan rokok elektronik itu dan bersetuju terhadap sebarang usaha bagi mengurangkan penjualannya.

“Ketika ini kita sedang bekerjasama dengan Suruhanjaya Komunikasi dan Multimedia Malaysia (SKMM) untuk mengambil tindakan bagi mereka yang menjual cecair rokok elektronik yang mempunyai nikotin kerana ia dilarang mengikut Akta Racun 1952 dan Akta Dadah Berbahaya 1952.

“Ini usaha berterusan untuk kita menyekat mereka yang menjual cecair rokok elektronik mengandungi nikotin,” katanya.

Beliau berkata demikian selepas merasmikan program Seminar Keperluan Khas Sepanjang Hayat di Hospital Fatimah, di sini, semalam.

Sebelum ini, sebuah akhbar melaporkan Kementerian Komunikasi dan Multimedia sedang mempertimbang untuk mengharamkan promosi dan penjualan rokok elektronik dalam talian.

Menterinya, Gobind Singh Deo dilaporkan berkata, perkara itu akan dibincangkan dengan Kementerian Kesihatan dan SKMM.

Dr Boon Chye juga berkata, kerjasama akan dijalankan secara berterusan dengan pelbagai pihak bagi memastikan penjualan rokok elektronik tidak berleluasa terutama kepada kanak-kanak.

AKHBAR : SINAR HARIAN**MUKA SURAT : 13****RUANGAN : NASIONAL**

KKM, SKMM pantau jual vape dalam talian

IPOH - Kementerian Kesihatan (KKM) dengan kerjasama Suruhanjaya Komunikasi dan Multimedia Malaysia (SKMM) giat memantau penjualan rokok elektronik (e-rokok) atau vape di laman sosial dan platform membeli-belah dalam talian.

Timbalan Menteri Kesihatan, Dr Lee Boon Chye berkata, pihaknya memandang serius penjualan e-rokok dan cecair vape yang mengandungi nikotin yang mudah diakses terutama golongan bawah umur.

Menurutnya, ia adalah satu kesalahan di bawah Akta Racun 1952 (Peraturan Kawalan Dadah dan Kosmetik 1984) iaitu kesalahan menjual cecair atau sebarang persediaan yang mengandungi nikotin sebagai bahan yang tidak didaftarkan sebagai ubat.

"Bahan yang mengandungi nikotin perlu didaftarkan oleh farmasi atau pengamal perubatan. Justeru, kita sentiasa memantau apa yang ditawarkan oleh penjual vape dalam talian

"Malah, kita sendiri telah berhubung dengan



Boon Chye memukul gong sebagai simbolik merasmikan Seminar Keperluan Khas Sepanjang Hayat di Hospital Fatimah, Ipoh semalam.

platform beli-belah itu dan SKMM untuk mengambil tindakan dengan menyekat dan membawa turun iklan berkaitan agar tidak berleluasa," katanya kepada pemberita selepas merasmikan Seminar Keperluan Khas Sepanjang Hayat di Hospital Fatimah di sini semalam.

Menurutnya, usaha itu dijalankan secara berterusan meskipun berhadapan kesulitan.

"Kita tahu aspek ini (menyekat iklan) agak sukar apabila kita sekat satu iklan, 10 iklan lain pula yang timbul. Tindakan akan diambil dari masa ke

masa," katanya.

Sementara itu dalam perkembangan lain, Boon Chye menegaskan, serbuan ke atas sebuah premis milik pakar sakit puan dan perbidanan di Bukit Damansara, Kuala Lumpur baru-baru ini tidak sepatutnya dikaitkan dengan isu perkauman.

Sebaliknya beliau berkata, tindakan itu dilakukan bagi menjaga kepentingan orang ramai berhubung penggunaan produk kesihatan yang tidak didaftarkan.

"Janganlah kita fikir semua perkara ini adalah isu perkauman," katanya.

AKHBAR : UTUSAN MALAYSIA

MUKA SURAT : 45

RUANGAN : DALAM NEGERI

Serbuan premis kesihatan ikut peraturan

IPOH 5 Okt. - Tindakan serbuan yang dilakukan pihak berkuasa ke atas premis kesihatan iaitu DHA Healthcare Enterprise di Bukit Damansara, Kuala Lumpur baru-baru ini bukan bersifat perkauman tetapi melibatkan kepentingan orang ramai.

Timbalan Menteri Kesihatan, Dr. Lee Boon Chye berkata, premis yang dimiliki seorang pakar sakit puhan itu difahamkan tidak pernah memiliki lesen dengan Cawangan Kawalan Amalan Perubatan Swasta (CKAPS) KKM sejak ia ditubuhkan.

Menurutnya, serbuan tersebut juga dilakukan oleh pegawai penguat kuasa mengikut tatacara yang sepatutnya.

Justeru, beliau mahu masyarakat khususnya warga maya tidak bersikap satu pihak dan cuba mengaitkan tindakan tersebut dengan perkauman kerana perniagaan itu dimiliki individu tertentu.

"Ini melibatkan kesihatan orang ramai, bukan perkauman. Jangan ingat semua perkara adalah isu perkauman kerana semua orang jatuh sakit.

"Sebelum pemeriksaan dijalankan, siasatan awal telah dilakukan dan hasil dapatkan itu barulah tindakan susulan dibuat," katanya pada sidang akhbar selepas merasmikan Seminar Keperluan Khas Sepanjang Hayat di Hospital Fatimah, di sini hari ini.